


A *rubá***A** *ntaño*

Den nos tempo di antaño ainda a keda varios lugar cu ta recorda nos di e bon tempo di antes. Awe nos grafico kier ilustra e caminda di port'i Eagle. Maske cu e no tabata un refinaria, pero si un compania pa abastece petroleo, y a carga e nomber di Arend Petroleum Mij, el a brinda hopi di loke ta e parti social pa cu nos comunidad.

E tabatin su hospital caminda awe nan ta trahando un serie di cas pa bende, den e bario di Bubali. E tabatin su golf course, cual awendia ta continuamente den promesanan y campañaamento di e partidonan politico.

E caminda di Eagle cu su oficina principal y cu Colachi Dijkhoff sintá na e entrada, ta for di unda centenares di nos hendenan tabata bay traha y pa despues mantene nan famia decentemente.

Den en compania aki a bini masha hopi cos pa prome biaha riba Aruba. Hospital (aunke nos a conoce uno prome cun'e), golf course, comisario, tennisbaan, e bario di Eagle cu te cu e dia di awe ta cargando e nombernan cu nos tin di bisa cu a sali for di Eagle. Su club, su teatro y e prome piscina (swimming pool) riba nos isla. Hopi di esnan cu a yega di traha den e compania ey y cu ta na bida ainda, nos grafico den nos Aruba Antaño, indiscutiblemente lo trece grato recuerdos.

Den e tempo cu nos ta bibando aden, esakinan a cambia pa Touristen Bureau, y otro medionan pa siña obranan di man, cu manera nos ta bisa tin biaha cu historia sa ripiti.